

**RIMSKO PRAVO I**

*obvezni predmet / I ciklus studija / prvi (I) semestar /
8 ECTS / 45 P + 15 V*

O B A V I J E S T

o izradi samostalnih istraživačkih radova u ak. 2025/26. godini

Samostalni istraživački rad predstavlja fakultativnu semestralnu aktivnost koja nosi 10% ukupne ocjene na nastavnom predmetu. Bez navedene aktivnosti studenti/ce imaju mogućnost ostvariti 90% ukupne ocjene u okviru nastavnog predmeta. U okviru ove aktivnosti, studenti/ce usmeno prezentiraju rezultate vlastitog istraživanja na jednu od ponuđenih tema. Odabir se vrši shodno dostavljenoj listi tema, po principu slobodnog izbora.

(I) DOSTUPNE TEME ZA SAMOSTALNE ISTRAŽIVAČKE RADOVE:

1. Reformske promjene Oktavijana Augusta – uspon rimskog carstva
2. <i>Ius naturale</i> u rimskoj pravnoj tradiciji
3. Evolucija društvene hijerarhije unutar rimske države
4. Status peregrina u rimskom pravu – granice rimskog građanstva
5. Nastanak i značaj Justinijanove kodifikacije rimskog prava
6. Barbarski zbornici rimskog prava
7. Pravne i društvene implikacije starateljstva u rimskom pravu
8. Rimsko pravo kao jezgro srednjovjekovnog <i>ius commune</i>
9. Rimsko pravo i Austrijski građanski zakonik
10. Djelatnost glosatora i postglosatora
11. Utjecaj rimskog prava na razvoj pandektistike
12. Ograničenja prava vlasništva kroz koncept susjedskih prava
13. Izuzimanje stvari iz pravnog prometa u rimskom pravu
14. Zajedničko vlasništvo i suposjed u rimskom pravu
15. Fiducija kao oblik prijenosa vlasništva u rimskom pravu

(II) OPIS AKTIVNOSTI TEHNIČKE PROPOZICIJE

Samostalni istraživački rad prezentira se u obliku usmenog izlaganja, koje mora biti popraćeno PowerPoint prezentacijom. Trajanje izlaganja je 15 minuta, nakon čega slijede pitanja vezana uz prezentirani sadržaj i primijenjenu metodologiju.

Prezentacija mora sadržavati najmanje pet (5) slajdova s tekstualnim sadržajem, ne računajući naslovni i završni slajd. Na završnom slajdu obavezno je navesti listu korištenih izvora, koji su služili kao osnova za obradu teme. Minimalni broj izvora je pet (5), a svi moraju biti relevantni



i legitimni, poput naučnih članaka, stručnih knjiga, zakonskih tekstova, službenih dokumenata i drugih. Izvori moraju biti dostupni putem weba ili u Biblioteci fakulteta, te pravilno navedeni prema Chicago stilu citiranja unutar liste korištenih izvora.

Font koji se koristi u prezentaciji mora biti Times New Roman, veličine ne manje od 12 i ne veće od 20.

(III) PRIJAVA, NAČIN PREDAJE I ROKOVI

Prijava sudjelovanja u aktivnosti je obavezna, a mora sadržavati sljedeće podatke: ime i prezime studenta/ice, broj indeksa, tačno odabranu temu (prema dostavljenoj listi). Krajnji **rok za prijavu je 24.10.2025. godine**, pri čemu naknadno izvršene prijave neće biti uvažene.

PowerPoint prezentaciju studenti/ce mogu dostaviti u bilo kojem trenutku nakon prijave, a **najkasnije do 31.12.2025. godine**. Termin usmenog izlaganja bit će zakazan u što skorijem roku nakon predaje prezentacije, o čemu će student/ica biti neposredno i blagovremeno obaviješten/a.

Prijava teme, dostavljanje prezentacije, kao i sva dodatna pitanja u vezi s ovom aktivnošću, šalju se isključivo putem e-mail adrese predmetne asistentice: e.ducic@pfsa.unsa.ba.